

Date – 09/08/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Governor Dr Hari Babu Kambhampati an Fisheries Department hmalakna leh central Scheme leh Bank kaltilanga Sangha Vulhtute tanpui dan tur Fisheries Dept hotute a sawipui.
2. Mizoram-Assam ramri chungchanga state 2 inbiakna chu vawiin hian Aizawl Chaltlang State Guest House ah neih a ni ang.
3. Rampumah intina hnam puanzar zar tura beihpui thlakna Har Ghar Tiranga campaign chu vawiin atanga tanin tun thla ni 15 thleng hman a ni dawn
4. Paris Olympic neih mekah nizan khan mipa javelin throw-ah Neeraj Chopra chuan silver medal a la.



GOVERNOR

Governor Dr Hari Babu Kambhampati an Fisheries Department hmalakna leh central Scheme leh Bank kaltilanga Sangha Vulhtute tanpui dan tur nimin khan Raj Bhavan-ah Fisheries Dept hotute a sawipui a.

Kum 2023 March 28 a Fisheries Department nena meeting an lo neih tawh atanga tun thlenga an hmalakna te an sawiho a, Governor chuan Sangha Vulh bikah hian state-in intodelh theihna a nei sang hle a, hetihlai hian State sum dinhmunin a zir loh avangin Fisheries Department in Budget a nei lian thei lo a ni a ti a, Central sponsored scheme tam tak, Sangha Vulhtute

dawmkanna leh tihhmasawna tur erawh a awm teuh tih sawiin Mizoram Sangha thar chhuah tihpun, eikhawp tharchhuah leh hralh chhuak thei tur khawpa tam thar thei tur chuan Fisheries Department in nasa takin tan a lak a, project tam zawk Central Sawrkarah a thehluh zung zung a ngai a ni a ti.

Central Scheme hnuaiia Subsidy Sangha Vulhtuten a dawn te belhchhah turin Sangha Vulhtuten Bank Loan an mamawh belh thin tih sawiin Sangha vulhtute zingah loan la duh lo an awm thin chu zirchian a tul a ti a. Bank loan chungchang te leh a rulh dan kalphung te chiangkung taka an hriatloh vang te thil ni thei a nih avangin hemi chungchangah hian Fisheries Department leh Bank lam te pawh thawkhoin tan an lak a tul tih a sawi bawh a ni.

Fisheries Department aiawhin Pu H.Lalengmawia, Secretary chuan tunhnaia Fisheries Department hmalakna te, hlawhtlinna te, Ministry-a rawtna thehluh zat te, hmalak dan tur leh ruahmanna en neih mekte a sawi a, Director Pi Lalteipuii leh a thawhpui officer-te'n an an hnathawh hrang hrang an sawifiah bawh.

Tunah hian Fisheries Department chua Mizoram chhunga Hectare 24000 chu Sangha dil siam theihna niin an chhuta, heng zingah hian Hectare 4000 chuang velah Sangha Vulhtuten hma an la mek a ni. Ram pum huap anga chhutin mi pakhatin Kum khat chungin sangha Kg 11 atanga Kg 13 inkar vel a ei tlang pui a. Mizoramah chuan kum khat chungin mi tan zel Kg 6.4 chauh a la thar chhuak thei a, a tam zawk chu pawn lam atanga lakluh a la ni mek a ni.

He meeting-ah hian Mizoram Rural Bank, State Bank of India, Mizoram, leh Mizoram Cooperative Apex Bank hotute pawh Sangha vulhtute nena bank inthlunzawm leh thawhho a pawimawhzia sawipui tura sawm an nih angin an tel a, Hemi chungchangah hian, Fisheries Department Secretary chairman-na hnuaiia Banker te leh Fisheries Department te meeting neih thin rawt a ni.



CM

Chief Minister Pu Lalduhoma hovin CM Conference Hall ah Mizoram in Externally Aided Projects a kalpui mek leh kalpui tur hmachhawp te nimin khan sawiho a ni a.

Meeting hian project kal mek bawhzui zel dan tur te, Department of Economic Affairs in loan puk theih zat a bituk chung a insiamrem dan tur te, project theih tura duan Council of Ministers in a ngaihtuah hmabak la awm te an thirho a ni.

Meetingah hian Minister Pu Lalthansanga, Pi Lalrinpui Pu F. Rodinglana leh Pu Lalnghinglova Hmar bakah Pu TBC Lalvenchhunga, Adviser to CM bakah Dr. Renu Sharma, Chief Secretary te leh Project kaihnhawih official pawimawh te an tel a ni.

Nimin vek khan CM Conference Hall-ah Chief Minister Pu Lalduhoma hovin sawrkar mi pawimawhten hmasawna project kal mek leh hmachhawp thenkhatte kalpui dan an sawiho baw a.

Meeting ah hian Bairabi to West Phaileng inkara 132 K/v SC line hnathawh forest clearance bawhzui dan tur te, Pukzing leh Silsury inkar kawngpui zauhna tur forest clearance hmalak tawh chin te, Tualpui leh Champhai inkar kawngpui siam tura forest clearance atana hma lak tawh chin te an sawi a. Heng project-a thil pawimawh dang te pawh an sawi baw.



BORDER TALKS

Mizoram-Assam ramri chungchanga state 2 inbiakna chu vawiin hian Aizawl Chaltlang State Guest House ah neih a ni dawn a,

Tlai dar 4 ah inbiakna neih a ni anga, Home Dept atanga thudawn danin Ministerial level inbiakna ah hian Mizoram lam chu Home Minister Pu K Sapdangan a ho anga, Assam lam hi Border Protection and Development minister Atul Bora-an a ho thung ang.

Assam palai te hi vawiin chawhnu ah Mizoram an lo thlen beisei a ni a, an inbiak zawh hnu tlai dar 6 ah chinchinthar thehdarhtute an kawm zui ang.

Chief Minister Pu Lalduhoma kaihruai ZPM sorkar a din hnuar ramri chungchanga Mizoram leh Assam palaite inbiak tuml-na tur a ni.



LAWNGTLAI DC ORDER

Bangladesh ram chhunga buaina nasa tak thleng mek avangin Indo-Bangladesh leh Indo -Myanmar Border a chengte himna turin Lawngtlai DC chuan hma a la a,

Sorkar thupek chhuahin Mipui vangtlang, ran rual leh motor-te tan ram ri leh a chhehvel- km 2 huamchhungah Tlai lam dar 6:00 pm atanga zing lam dar 6:00 am inkarah teivah phal a ni lo a, Ran rual khalh luh emaw khalh chhuah phal a ni lo a, Lirthei eng chi mah veivah phal a ni lo bawk a ni.

He thupek hian Lawngtlai District Indo- Bangladesh leh Indo-Myanmar Border -02 kms huamchhung a huam ang a, thu leh awm hma chu thupek chhuah a nih atanga thla hnih chhung a huam ang.



LUNGLEI MUNICIPAL COUNCIL

Lunglei Municipal Council Chairman Pu Lalzuithanga Khiangte chuan LMC chuan kum 2 hmel a lo hmu ve tep a, hemi chhung hian hmalakna leh hnathawh chhiar tham a awm tawh a ti.

Nimin khan Lunglei Press Club ah LMC hotu te hian thuthar lakhawmtu te kawmin LMC Chairman chuan LMC chu mahni kutke a ding a inenkawl tur a siam chu Official leh mipui te mawh a ni tih sawiin Municipal tha leh rintlak, Lunglei khawpui tan malsawmna thlentu nih tir chu an thupui ber a ni a ti a. Hmathlir leh tih tur hrang hrang an neihte sawiin bawlhhlawh sawngbawl, motor parking fee lakkhawm, motor lian hunna tur, Building regulation siam leh property tax khawn dan tur leh faina kawnga hmalak a ni a ti.

Faina kawnga hmasawn zel nan ward inelna LMC Award 2024 kalpui mek a ni tih sawiin, hemi piah lamah veng tinte faina kawnga hma an lakna eg hnatlan nikhuaah an mamawh anih

chuan LMC Truck chu bawlhhlawh paih nan a thlawna hman theih a ni ang a ti a.

Khawpui hmasawna atan project lian tham haichhuahna tur an buaipui mek thu te sawiin Urban poor te tan hmalakna tur te an zirchiang mek a ni a ti. LMC hmalakna tur lian ber chu mahni kut ke a din a,mipui te rintlak a ni a ti a, midang lo awm zel tur te tana rabbi tuksak a nih thu te sawiin tunhnaia Mizoram Sorkar in an hlawh a tihsan chu an lawm takzet tih a sawi bawk.

LMC Vice Chairman Pu K.Lalrinawma pawhin Lirthei neitu te chu August thla ral hma a Garage nei vek tur a hriattir an nih thu leh tunah hian mi taktakin garage an siam mek tih a sawi a, hetihual hian garrage siam ngaihna thlawt awmlo te tan ruahmanna dang siam a ni a ti. Local council te nen pawh hemi kawngah hian thawhdunna tur an siam tawh tih sawiin parking plot ni lo zawng ah chuan Motor dah phal a ni dawn lova, hei hian kawngpui a tih thawl ngei a beisei thu a sawi bawk. Pu Donny Lalruatsanga,CEO LMC pawhin ruahmanna an siam dan hrang hrang te a sawi.

LMC hotu te hian Tennis Court hmun hlui leh Thuamluaia mualah Car park na siam chu an project kallai mek a nih thu te sawiin Tennis court hmun hlui chu Saikuti Hall nen in level a lai hniamin tangkai taka hman tur a ruahmanna siam a ni a ti.



DRAGON FRUIT

Dragon Fruit chingtute leh a siamchhuah kawnga thalai hetiangana lama tuite puala buatsaih Dragon Fruit Extravaganza chu nimin khan Horticulture Minister Prof Lalnilawma'n Aizawl Millennium Centre kawt ah a hawng.

Dragon Fruits Extravaganza hawna ah hian Horticulture Minister Prof Lalnilawma chuan tualchhunga kut hnathawk tuten an tharchhuah te awmze nei zawka siamchhuah emaw hralhchhuah dap atul thu sawiin, Dragon Fruit bakah Sapthei thar tam thei te pawh kumthar lamah sorkar in hmalak a tum thu a sawi.

Prof Lalnilawma chuan Mizoram ah Dragon Fruit hun reilote chhunga hmasawna thar hmuh ani chu lawmawm a tih thu sawiin, Dragon Fruit chingtute chu ramchhung bakah ram pawn

thlenga an tharchhuah te thawn chhuak thei tur khawpa hmala turin a fuih a ni.

Tun dinhmunah Mizoramah Dragon Fruit chingtu mi 563 bawr vel awm mekin, Dragon Fruit quintal 4000 Chuang an tharchhuak a ni.

Greenwave Farmtech, Horticulture Dept leh Mizoram Dragon Fruit Farmer Association te tangho buatsaih Dragon Fruit Extravaganza hian inrinni thleng a aw h ang.



HAR GHAR TIRANGA

Rampumah intina hnam puanzar zar tura beihpui thlakna Har Ghar Tiranga campaign chu vawiin atanga tanin tun thla ni 15 thleng hman a ni dawn. Union Culture and Tourism Minister Gajendra Singh Shekhawat chuan nimin khan chanchinbumite kawmin mipuite chu hnam puanzar an zar te thla lak puia Har Ghar Tiranga website ah rawn dah turin a sawm a. Kum 2022 atang khan Azadi Ka Amrit Mahotsav hnuaiyah Har Ghar Tiranga hi bul tan a ni tih sawiin nikumah khan mi vaibelchhe 10 chuangin hnam puanzar thla an lakpui hi internet ah an pho lang a ti a. Cultural program pawh sang hnih chuang rampumah buaitsaih a ni a ti a. Tiranga Bike Rally chu tun thla ni 13 ah hian MP leh Union Minister te nen huaihawt a ni ang a ti bawk.



PRESIDENT IN NEW ZEALAND

New Zealand-a cham mek President Draupadi Murmu chuan Wellington-a hun hlawk tak a hman hnuin nizan khan Auckland a thleng. Wellington-ah hian India leh New Zealand-te chuan ram pahnih inkara sumdawna hmasawn nan custom lama thawhdunna tur inremna an ziak a. President Draupadi Murmu-i chuan New Zealand Prime Minister Christopher Luxon leh Deputy Prime Minister leh Foreign Affairs minister ni bawk Winston Peters te Wellington-a Government House ah a kawm a. He hunah hian thawhdunna tur hrang hrang custom lamahte, tualchher damdawi siamchhuahna leh energy thianghlim chungchange an sawiho a. President-in New Zealand ram

hruaitute a kawmna hian rah tha tak a chhuah dawn niin kan correspondent chuan a sawi a ni..



OLYMPIC

Paris Olympic neih mekah nizan khan mipa javelin throw-ah Neeraj Chopra chuan silver medal a la. Javelin throw finalah hian Pakistan mi Arshad Nadeem chuan meter 92.97 a thui khawha Olympic record siamin gold medal a la a. Neeraj Chopra hian meter 89.45 a thui khawhin silver medal a la ve thung a. Grenadian Anderson Peters chuan bronze a la a ni.

Hetihlai hian India mipa hockey team te chuan nimin khan bronze medal match ah Spain hnehin bronze an la bawk a ni.

